

Aktuelnosti:

1. U Bihaću počelo uređenje poduzetničke zone Kamenica
2. Razrada projekata za pozive IPA CBC Adriatic i IPA CBC BiH - HR
3. Nova privredna zona na 40 ha
4. Posjeta Savjetodavne komisije Beacon scheme Općini Bihać
5. Općina Živinice i IPSA Institut potpisali ugovor o izradi prostornog plana općine
6. Intervju s načelnikom Općine Gradačac, Imširović Fadilom
7. Potpisan Sporazum o saradnji Vlade FBIH i Saveza općina i gradova FBIH
8. Prekogranična suradnja općina Vitez i Novaske na projektima iz oblasti drvne industrije
9. U Živinicama počela izgradnja postrojenja za prečišćavanje otpadnih voda
10. Regulacija vodotokova u Bihaću
11. Općine iz BiH i Srbije stvaraju zajedničku euroregiju
12. U Livnu realiziraju se komunalni projekti u vrijednosti 3.5 mil. KM
13. Skupština TK donijela odluku o zaduženju radi sufinansiranja projekta vodosnabdijevanja u Općini Čelić
14. Peta komponenta IPA-e dostupna od 2013.
15. Općinsko vijeće Vitez prihvatio plan upravljanja otpadom
16. Program Beacon schema – odabir uže liste općina
17. Održana konferencija na temu „Zaduživanje JLS“

U BIHAĆU POČELO UREĐENJE PODUZETNIČKE ZONE KAMENICA



BIHAĆ, 12. oktobar/listopad – Poduzetnička zona Kamenica, osim zone u Ripču, ali i drugih prostora na području općine Bihać gdje su u prijeratnom periodu funkcionirali privredni subjekti, predstavlja istinsku šansu, kako za privlačenje ino-kapitala i investicija, tako i za razvoj domaćeg, malog i srednjeg poduzetništva.

Sudeći po susjednim državama u kojima se najznačajnija pažnja posvećuje uspostavi i infrastrukturnom zaokruženju poduzetničkih zona, malo i srednje poduzetništvo se izdvaja kao jedinstven prostor u realnoj ekonomiji u kojem je moguće ostvariti nova zapošljavanja i radna mjesta.

Da su tog potencijala svjesni i u BiH, a posebno u jedinicama lokalne samouprave, pokazali su istupi načelnika općina i gradova, na nedavnoj 6. sjednici Skupštine Saveza općina i gradova FBIH, a među prvim, načelnika Muslića, koji je ukazao na potencijal zona, te potrebu saradnje viših nivoa vlasti kako bi se iste izgradile i pripremile za investicione cikluse.

Općina Bihać, u svojim dugoročnim planovima razvoja, upravo je dvjema poduzetničkim zonama odredila prostor i ulogu, ta zajedno s Vladom USK i drugim partnerima nastavila s uređenjem i poboljšanjima njenih funkcija.

Tako se ovih dana intenzivno radi na produbljavanju i čišćenju kanala oborinskih voda, što je prema riječima Damira Felića, direktora Zavoda za prostorno uređenje Općine Bihać, investicija vrijedna oko 100 hiljada konvertibilnih maraka.

Prema njegovim riječima Općina Bihać i Vlada USK su udruživanjem zajedničkih sredstava pokazali da se i u ovoj oblasti mora i može učiniti novi kvalitet. Završetkom radova na kanalima u ovoj zoni, u dužini od jednog kilometra, spriječit će se plavljenje ovog prostora, na kojem se očekuju veće investicije u proizvodne pogone.

U predstojećem vremenu, prema riječima Felića, ukoliko ekonomske prilike budu bolje, Općina Bihać planira izvršiti sve one radnje koje će ovu zonu još bolje otvoriti prema poduzetničkom sektoru.

Inače poduzetničke zone u industrijski razvijenim zemljama, kao i zemljama koje su se u posljednjih nekoliko decenija potvrdile regionalnim industrijskim rastom proizvodnje dokazale su svoju isplativost i ekonomsku opravdanost.

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten prosljedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

Kontaktirajte nas

Telefoni:

033/ 216 502, 033/ 552 812

Fax: 033/552 810, 033/ 552 811

<http://www.sogfbih.ba>

<http://www.partnerstvogradova.ba/>

RAZRADA PROJEKATA ZA POZIVE IPA CBC ADRIATIC I IPA CBC BIH - HR

TEŠANJ, 12. oktobar/listopad

– U cilju razrade projektnih prijedloga na otvorena dva poziva za projekte IPA CBC Adriatic i IPA CBC HR-BiH, predstavnici Općine Tešanj i TRA Agencije za razvoj općine, održali su radni sastanak sa partnerom iz Hrvatske.

Ismar Alagić, savjetnik Općinskog načelnika za pristup EU-fondovima, istakao je da Općina Tešanj u saradnji sa



TRA ima namjeru na navedena dva programa prekogranične saradnje kandidovati nekoliko projekata iz područja promocije preduzetništva i podrške razvoju biznisa, energetske efikasnosti i smanjenja emisije štetnih materija i zaštite kulturno-historijskog naslijeđa sa kreiranjem jedinstvene turističke ponude.

Ove aktivnosti potvrđuju bezrezervnu opredjeljenost općine Tešanj da radi na razradi projekata iz vlastitih strateških dokumenata u formatu koji propisuje EU i drugi međunarodni donatori.

Tokom navedenog sastanka definisani su sastav konzorcija partnera za sve odabrane projektne prijedloge i razrađene projektne aktivnosti sa pripadajućim troškovnicima.

NOVA PRIVREDNA ZONA NA 40 HEKTARA



LIVNO, 11. oktobar/listopad – Odlukom Općinskog vijeća Livna na lokaciji Brda, koja je u sastavu Livanjskog polja, na površini od 40 hektara biće otvorena nova privredna zona za malo i srednje poduzetništvo.

U toku je izrada projektne dokumentacije za novu veliku privrednu zonu i bit će

e-mail: dino@sogfbih.ba

ZA PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

ZA FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDOVE:

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmemed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

završena do kraja godine, dok bi sljedeće godine trebalo da krene realizacija projekta uređivanja kompletne komunalne i druge infrastrukture.

Prema riječima načelnika Luke Čelana, za finansiranje uređenja privredne zone potrebno je obezbijediti oko četiri miliona maraka, a realizaciju ovog projekta finansijski bi pomogli Vlada Livanjskog kantona, Federalno ministarstvo razvoja, poduzetništva i obrta i neke međunarodne organizacije koje pomažu projekte razvoja lokalnih zajednica u BiH.

Livanjski načelnik je rekao da će privrednu zonu koristiti zainteresovani investitori za razne djelatnosti i poslovne aktivnosti, a sufinansiranje projekta, čiji je cilj zaustavljanje iseljavanja lokalnog stanovništva i ublažavanje problema velike nezaposlenosti, Općina je kandidovala prema Federalnom ministarstvu razvoja, poduzetništva i obrta.

POSJETA ČLANOVA SAVJETODAVNE KOMISIJE BEACON SCHEME OPĆINI BIHAĆ



BIHAĆ, 10. oktobar/listopad – Savjetodavna komisija Beacon scheme posjetila je danas Općinu Bihać, koja je i ove godine aplicirala za Beacon status iz oblasti „Planiranje i usvajanje budžeta“ i „Kulturno naslijeđ u funkciji razvoja turizma i promociji lokalne zajednice“.

Nakon iscrpnih prezentacija i dobronamjernih sugestija na daljnjem putu za sticanje

Beacon statusa, Općina Bihać nastavlja do cilja, na kojem teži ka uspjehu.

Beacon schema je od 2005. godine usmjerena na prepoznavanje i promoviranje najboljih primjera iz prakse na općinskom nivou vlasti. Od 37 pristiglih prijava iz tri teme, Savjetodavna komisija odabrala je 16, među kojima je i Općina Bihać.

Inače prethodne godine bihaćka Općina osvojila je Beacon status iz oblasti „Položaj i uloga mjesnih zajednica u jedinicama lokalne samouprave“, a godinu ranije „Upravljanje ljudskim resursima“.

OPĆINA ŽIVINICE I IPSA INSTITUT POTPISALI UGOVOR O IZRADI PROSTORNOG PLANA OPĆINE



TUZLA, 10. oktobar/listopad – Načelnik Općine Živinice Hasan Muratović potpisao je danas sa direktorom IPSA Instituta iz Sarajeva Ešrefom Gačaninom ugovor o izradi prostornog plana ove općine.

Kako je rečeno tom prilikom, prostorni plan će olakšati izradu projekata za pretpristupne fondove Evropske unije (EU) i od velikog je značaja za građane.

Očekivanja su da će izrada prostornog plana u Živinicama biti završena u narednih šest mjeseci.

"Meni je zadovoljstvo da smo potpisali ovaj ugovor. Prostorni plan je važan za projekte i razvoj općine", kazao je načelnik Muratović.

Gaćanin je ovom prilikom kazao da će stručan i iskusen kadar IPSA Instituta posao koji im predstoji uraditi savjesno i u predviđenom roku, kao što je i do sada bio slučaj.

INTERVJU: FADIL IMŠIROVIĆ, NAČELNIK OPĆINE GRADAČAC

Razgovarala: Lejla KURTOVIĆ



SARAJEVO, 9. oktobra/listopada (ONASA) – Načelnik Općine Gradačac Fadil Imširović u intervjuu za Agenciju ONASA govori, između ostalog, o radu Općine u prvih šest mjeseci ove godine, prioritetnim projektima, privredni subjekti koji su nosioci razvoja općine Gradačac, otvaranju industrijske zone II, najvećim problemima ove općine, zapošljavanju mladih kadrova na području općine...

ONASA: Dobitnik ste priznanja "Najnačelnik 2011". Šta za Vas znači to priznanje?

IMŠIROVIĆ: Svako priznanje koje čovjek dobije, ma od koga ono dolazilo, mora mu biti drago. Ovo priznanje koje sam dobio kao "Najnačelnik 2011" u izboru jedne nezavisne agencije još više mi laska, jer je potvrda da smo ja i moj tim u proteklom periodu dobro radili i da su to prepoznali ljudi koji ne žive u sredini u kojoj ja radim. Posebno mi je drago što agencija koja mi je dodijelila priznanje ima jako dobru saradnju sa privrednicima i da su baš privrednici moje općine mene nominovali za to priznanje. To bi trebalo da znači da smo dobar servis za našu privredu, kao i za naše građane.

ONASA: Kako biste ocijenili rad Općine Gradačac u prvih šest mjeseci ove godine?

IMŠIROVIĆ: Općina Gradačac je u prvih šest mjeseci ove godine sasvim korektno funkcionirala. Imali smo manjih nesuglasica oko pojedinih personalnih rješenja i to nas je malo opterećivalo u radu. S druge strane, to smo nadomjestili kroz pojačanu aktivnost na traženju novih ulagača i novih investicija kojima bi popravili stanje u Gradačcu. S ponosom mogu da kažem da su te aktivnosti urodile plodom i da smo ovih dana dobili odluku našeg partnerskog grada Sivasa u Turskoj, koji je odlučio sa 500.000 eura pomoći izgradnju našeg kulturnog centra.

ONASA: Na koje oblasti su fokusirani strateški pravci razvoja Općine i koji su preduslovi za njihovu realizaciju?

IMŠIROVIĆ: Gradačac nikada nije bio grad ni općina sa samo jednom razvijenom privrednom granom. Uvijek smo imali više pravaca u kojima se kreativni duh naših poduzetnika realizirao. Mi smo intenzivno poljoprivredni kraj sa jako dobro razvijenom i za naše uvjete naprednom poljoprivrednom proizvodnjom, s naglaskom na voćarstvo. Naša tradicija u metalskoj industriji je bila osnova na kojoj je izrastao naš privredni biser CIMOS TMD, i uz njega još niz drugih pogona iz te branše. Tu je proizvodnja odjeće i obuće koja, za razliku od sličnih u BiH, ima perspektivu i pomalo se širi. Turizam, trgovina, prijevoz, graditeljstvo, prehrambena industrija, drvna industrija i druge privredne grane imaju svoje mjesto i svaka nam je jednako važna za opći razvoj.

ONASA: Koji su prioritetni projekti Općine Gradačac za 2011. godinu i za koje ste projekte planirali najviše sredstava?

IMŠIROVIĆ: Općina Gradačac nekoliko zadnjih godina pokušava realno planirati sredstva u Budžetu i zato imamo jako visok procenat realizacije, između 95 i 100 posto. U ovogodišnjem Budžetu, osim finansiranja osnovnih funkcija Općine i javnih ustanova koje su naslonjene na Budžet, predvidjeli smo i sredstva za poboljšanje komunalne infrastrukture.

Tako ćemo ove godine izgraditi ili rekonstruisati 39 putnih pravaca, među kojima je najvažnija ulica Kadić mahala, čija je vrijednost oko 700.000 KM. Završili smo prvu fazu parka sa oko 150.000 KM, a u uređenje stadiona Banja Ilidža ulažemo zajedno sa Federacijom BiH oko 250.000 KM. Tu je i izgradnja nekoliko lokalnih vodovoda, zatim nastavak investicija u Industrijskoj zoni II i posljednje je saniranje brane jezera Vidara koje vodi Agencija za vode u vrijednosti od 500.000 KM.

ONASA: Koji privredni subjekti su nosioci razvoja općine Gradačac?

IMŠIROVIĆ: Gradačac ima dosta uspješnih firmi koje dobro posluju i postižu dobre rezultate. Međutim, u svakoj branši postoje firme koje su lokomotive razvoja. U Gradačcu su to, svakako, CIMOS TMD u metalnoj industriji, zatim DUKAT u prehrambenoj industriji, KULA u tekstilnoj, GRADMONT u građevinarstvu. Ove firme izdvajam jer se oko njih razvio čitav niz sličnih ili ovisnih firmi, te firme koje opslužuju navedene.

ONASA: Jedan od zajedničkih projekata privrednih subjekata sa područja općine Gradačac i lokalnih vlasti je otvaranja industrijske zone II u Gradačcu. Možete li nam reći nešto više o tom projektu i kada se može očekivati njegova realizacija?

IMŠIROVIĆ: Realizacija projekta izgradnje Industrijske zone II u Gradačcu je u toku. U saradnji sa Udruženjem privrednika Gradačca prije nekoliko godina prepoznata je potreba da se prošire kapaciteti tada već popunjene Industrijske zone. Mi smo, s naše strane, donijeli odgovarajuću prostorno-plansku dokumentaciju i zajedno sa višim nivoima vlasti ušli u rješavanje neophodne infrastrukture, puteva, mostova, kanalizacije, regulacije riječnog korita. U te svrhe do sada je utrošeno oko 1,5 miliona KM. U samoj zoni su već izgrađeni neki pogoni i mi pune efekte od nove zone očekujemo u nekoliko narednih godina, kada očekujemo dolazak nekih strateških ulagača koji su već bili u posjeti našoj općini i izrazili namjeru da investiraju upravo ovdje u Gradačcu.

ONASA: Pokazuju li strani investitori interes za ulaganje u Općinu?

IMŠIROVIĆ: Kao što sam već rekao, strani investitori su često ovdje, prije svega zahvaljujući činjenici da mnogi naši poslovni ljudi blisko surađuju sa stranim kompanijama. Upravo kroz izgradnju nove industrijske zone, mi želimo stvoriti i formalno-pravne pretpostavke, uz one praktične, koje će omogućiti svakom zainteresiranom investitoru da na najbrži mogući način svoj novac uloži u biznis. Pored toga, Gradačac je prepoznat i kao sredina vrijednih i sposobnih ljudi. Tu su i još neke naše prednosti u odnosu na druge sredine. Tu, prije svega, mislim na blizinu auto-puta Beograd-Zagreb.

ONASA: Koji su najveći problemi Vaše općine?

IMŠIROVIĆ: Nezaposlenost je problem cijelog svijeta, pa i naše općine. Ono što ja i tim ljudi s kojim sarađujem vidimo kao mogućnost i šansu za djelimično rješavanje ovog problema je stavljanje svih resursa koje posjedujemo u funkciju razvoja. Mi

nismo područje bogato rudnim i drugim blagom, ali imamo vrijedne ljude koji znaju osmisliti biznis i stvoriti novu vrijednost. Mislim da te ljude ne smijemo sputavati u namjeri da se obogate, a da usput i druge uposle.

Naši propisi ne bi smjeli biti limitirajući kada je u pitanju napredak. Tu, prije svega, mislim na prostorno-planska dokumenta i odluke kojima su neki naši resursi blokirani. Investitori, bilo da su domaći ili strani, neće vječno čekati da svoj novac investiraju. Ako ne mogu kod nas, uradit će to na nekom drugom mjestu, a onda nama ostaju ne samo nezaposleni, nego i manje novca za škole, bolnice, puteve, vodovode...

ONASA: Kakvo je stanje na području općine Gradačac kada je u pitanju zapošljavanja mladih kadrova?

IMŠIROVIĆ: Mi smo jedna od prvih, ako ne i prva općina u BiH koja je donijela odluku da svim mladim visokoobrazovanim kadrovima kroz svoj Budžet omogućiti da odrade pripravnički staž i polaganje stručnog ispita. To je jedna od sistemskih mjera.

Također, skoro svi studenti naše općine iz različitih izvora su pokriveni stipendijama. Općina i njena uprava ne mogu zapošljavati ni mlade ni stare, ali stalno podržava otvaranje novih radnih mjesta, o čemu sam već govorio.

ONASA: Nedavno je u Gradačcu održan 38. međunarodni sajam poljoprivrede i prehrambene industrije – Sajam šljive. Da li ste zadovoljni ovogodišnjim sajmom, kakve rezultate daje ova manifestacija i koliki je njen doprinos ukupnom razvoju gradačackog područja?

IMŠIROVIĆ: Sajam šljive je imao svoju ulogu kada je u pitanju razvoj voćarstva, a prije svega proizvodnja šljive. Međutim, u posljednje vrijeme mislim da ne pogađa u centar kada su u pitanju problemi proizvođača nakon što proizvedu šljivu i druge proizvode.

Ove godine smo imali dobar i posjećen Sajam, ali nije dao prostora da se govori o problemu, recimo, plasmana šljive na zapadnoevropsko tržište nakon uvođenja zaštitnih mjera od Evropske unije (EU).

U svakom slučaju, Sajam je za nas i naše građane važan i mi ćemo ga i dalje podržavati i pokušati unaprijediti kako bi postigao svoju punu svrhu.

POTPISAN SPORAZUM O SARADNJI VLADE FEDERACIJE BIH I SAVEZA OPĆINA I GRADOVA FEDERACIJE BIH



NEUM, 07. oktobar/listopad – Predsjednik Predsjedništva Skupštine Saveza općina i gradova FBiH Vlado Alilović potpisao je jučer u Neumu, u okviru Šeste sjednice Skupštine Saveza, s Federalnim premijerom Nerminom Nikšićem Sporazum o saradnji Vlade Federacije Bosne i Hercegovine i Saveza općina i gradova Federacije Bosne i Hercegovine.

Svrha Sporazuma je implementacija zajedničke saradnje, koordinacija i efikasno institucionaliziranje dijaloga u cilju

unaprijeđenja sistema lokalne samouprave, jačanja procesa decentralizacije u skladu sa Zakonom o principima lokalne samouprave te principa supsidijarnosti, kao i osiguranje odgovornog i jedinstvenog obavljanja javnih poslova svih nivoa vlasti u lokalnoj zajednici.



Glavna aktivnost koja je predviđena Sporazumom jeste izrada Kodeksa o odnosima između nivoa vlasti u FBiH, kojim će se, uz ostalo, urediti saradnja u oblasti zakonodavstva, a posebno implementacije Zakona o principima lokalne samouprave. Također, ovim dokumentom definisat će se aktivnosti na planu fiskalne decentralizacije, aktivnosti po pitanju imovine jedinica lokalne samouprave i korištenja prirodnih resursa, aktivnosti na planiranju lokalnog razvoja i integracije sa strateškim planiranjem viših nivoa vlasti, usvajanje Strategije obuke za jedinice lokalne samouprave u Federaciji BiH, kao i mehanizmi za ostvarivanje saradnje. Primaran rad ovogodišnje skupštine bio je usmjeren ka segmentu lobiranja prema višim nivoima vlasti za bolji položaj jedinica lokalne samouprave.

U okviru Šeste sjednice Skupštine Saveza raspravljalo se o Izvještaju o radu Predsjedništva Skupštine Saveza općina i gradova Federacije Bosne i Hercegovine za period april 2010. – septembar 2011. godine, zatim Izvještaju o radu komisija Skupštine Saveza općina i gradova Federacije Bosne i Hercegovine za period april 2010. – septembar 2011. godine, prijedlogu Strategije razvoja Saveza općina i gradova Federacije Bosne i Hercegovine za period 2011 – 2015. godine, prijedlogu Strategije lobiranja Saveza općina i gradova Federacije Bosne i Hercegovine, Planu rada Saveza općina i gradova Federacije Bosne i Hercegovine za period 2011. – 2012. godina.

Također, u okviru ovogodišnje skupštine, načelnici su imali priliku da se upoznaju sa saradnjom norveških općina i općina iz Federacije BiH, te kroz izlaganje gđe Hafeze Sabljaković, poslanika u Predstavničkom domu Parlamenta Federacije BiH upoznaju sa mogućnostima i načinima zastupanja i lobiranja za nova zakonska rješenja.

Pored velikog broja načelnika iz Federacije BiH, oko 60, učešće na Skupštini su uzeli premijer Federacije BiH, Federalni ministar pravde, premijeri kantona, poslanici i delegati iz federalnog parlamenta, visoki predstavnici međunarodne zajednice u Bosni i Hercegovini, partnerske domaće i međunarodne organizacije.

PREKOGRANIČNA SURADNJA OPĆINA VITEZ I NOVSKE NA PROJEKTIMA IZ OBLASTI DRVNE INDUSTRIJE



07. oktobar/listopad – U utorak, 04.10.2011. godine načelnik Općine Vitez, Vlado Alilović i Muhamed Rebihić, pomoćnik načelnika za poduzetništvo i lokalni razvoj posjetili su Općinu Novska u Republici Hrvatskoj, kako bi razgovarali s načelnikom tamošnje Općine, Antunom Vidakovićem i pročelnikom za prostorno uređenje i komunalne djelatnosti Novska Tomislavom Bogojevićem o korištenju pretpristupnih fondova (IPA) EU.

Kako bi dvije općine pronašle zajednički interes, participirati u projektima prekogranične suradnje, Agencija Cardo+ iz Splita, koja je predložila partnerstvo ove dvije općine, uzela je kao obavezu predstavnicima općina približiti sliku i dati odgovore na neka pitanja iz oblasti predpristupnih fondova te izraditi zajednički projekat koji bi se odnosio na drvoprerađivačku industriju.

Zajednički interes u ovom smislu bio bi sudjelovati u natječaju koje je raspisala Europska Komisija, a odnosi se na unaprjeđenje rada, stjecanja znanja iz novih tehnologija, marketiških sposobnosti i opreme koja bi unaprijedila edukaciju kadrova u sferi drvne industrije kao oblasti koja je srodna objema općinama.

Taj bi projekat, ako bude prepoznat kao projekat od zajedničkog interesa ove dvije općine, značio potvrdu zajedničke suradnje u tzv. Klaster projektu (skup međusobno povezanih tvrtki srodnih djelatnosti iz različitih država) s kojim bi općine aplicirale na natječaj o pretpristupnim fondovima EU.

Dvije općine, kao zainteresirani subjekti bi sudjelovale u izradi projekta, u iznosu od po 10.000 KM, a ako bi projekt dobio zeleno svjetlo, njegova vrijednost bi se kretala od 150.000 do 180.000 eura na ime jedne općine. Eventualna dobivena sredstva bi se usmjerila na one poslovne subjekte koji bi pronašli svoj interes za ovaj vid ulaganja.

Važno je naglasiti da se ovaj projekat odnosi na kadrovsko osposobljavanje i edukaciju mladih ljudi, što se uopće smatra temeljnom pretpostavkom da bi u buduće zainteresirani subjekti mogli aplicirati na konkretne projekte iz pretpristupnih fondova.

"Budući da je ovo prvi vid komunikacije Općine Vitez kao zainteresirane strane

usmjeren na dobivanje sredstava iz pretpristupnih fondova EU koji se odnosi na unaprijeđenje regionalne suradnje, dostizanju održivog razvoja i smanjenju siromaštva, smatramo da je namjera vrijedna pažnje", rekao je načelnik Vlado Alilović i dodao da će učiniti da u nekim budućim sastancima budu prisutni predstavnici Udruge poslodavaca Općine Vitez, kao subjekti od čijeg interesa bi bili ovakvi i drugi slični projekti.

"No, svakako nešto konkretnije će se moći reći kada tijekom narednih tjedan dana bude izrađen i dostavljen projekat od ovlaštene agencije", rekao je Alilović.

U ŽIVINICAMA POČELA IZGRADNJA POSTROJENJA ZA PREČIŠĆAVANJE OTPADNIH VODA

ŽIVINICE, 7. oktobar/listopad

– U općini Živnice, zvaničnim uvođenjem u posao izvođača radova firme Štrabag AG iz Austrije, započela je izgradnja postrojenja za prečišćavanje otpadnih voda.

Vrijednost projekta je 3,5 miliona KM, a Općina je sredstva dobila od Svjetske banke i Evropske unije (EU).

Riječ je o udruženim grant sredstvima, a Općina Živnice obezbijedila je zemljište i razne dozvole potrebne za izgradnju ovog postrojenja. Nakon što je prošle godine Općina Živnice uspješno završila projekat izgradnje kanizacionih kolektora šireg gradskog područja za oko 42.000 korisnika, tu aktivnosti nisu stale.

Počela je izgradnja prve faze mehaničkog prečišćavanja otpadnih voda u vode druge kategorije odnosno vode za kupanje.

"Ako nam vrijeme dozvoli očekujemo rekordnu vremensku realizaciju ovog projekta, u svakom slučaju idućeg ljeta ćemo imati mehanički tretman otpadnih voda za kanalizaciju Općine Živnice u funkciji, što će dati puni doprinos onoj viziji da jezero Modrac bude istinski resurs pitke vode što je i poenta svega", kazao je načelnik Općine Živnice Hasan Muratović.

Iako za drugi tretman prečišćavanja otpadnih voda nemaju još osigurana sredstva, nadaju se da će ih uspjeti osigurati iz evropskih, ali i nekih drugih fondova.

"Napominjem, tri miliona KM dobili smo od Evropske komisije, a ako dodamo tu sve što je uradila lokalna zajednica u Živnicama, obezbjeđenje zemljišta, projektne dokumentacije, elektroenergetskog snabdijevanja, dolazimo do cifre od preko sedam miliona KM. Preostaje nam da neđemo sredstva i za drugi tretman, kombinovani hemijsko-biološki tretman, a cilj nam je da jezero Modrac postane istinski resurs pitke vode", rekao je načelnik Muratović.

Voditelj projekta izgradnje postrojenja za prečišćavanje otpadnih voda u ime firme Štrabag AG je Nedim Zuhrić, dok je asistent na ovom projektu u ime Općine Živnice stručni savjetnik za zaštitu okoliša, vode i šume Asmir Nišić.

"Jako smo zadovoljni što nam je ukazano povjerenje da ponovo gradimo u Općini Živnice. Imamo izuzetno kvalitetnu tehničku dokumentaciju, kao i veoma dobru saradnju sa implementacijskim timom ove općine koju je formirao načelnik



Muratović, a vodi Asmir Nišić, i ta dva faktora uz Štrabagov interni sistem su garant da će Općina Živinice za manje od godinu dana imati u funkciji jedno kvalitetno i pouzdano postrojenje za prečišćavanje otpadnih voda“, rekao je jedan od voditelja projekta Nedim Zuhrić.

Podizvođač radova u ovom projektu je firma HIH d.o.o Živinice.

REGULACIJA VODOTOKOVA U BIHAĆU



BIHAĆ, 07. oktobar/listopad – Jedan od najznačajnijih problema sa kojima se susreće veliki broj građana bihaćke općine odnosi se na plavljenje obradivih površina, ali i stambenih objekata koji se nalaze u blizini vodenih tokova. Prošle, a posebno ove godine Općina Bihać je pripremila i uputila višim nivoima vlasti veći broj projekata iz oblasti regulacije vodotokova. U tom

pogledu, na bazi partnerstva, Općina Bihać je uz vlastita sredstva dobila podršku Vlade USK kako bi započela uređenje sjevernog lateralnog kanala, toka rijeke Sredice koja se nalazi na području Martin Broda, kao i Toplice na području Gate. Prema riječima Damira Felića, direktora bihaćkog Zavoda za prostorno uređenje, radovi na sjevernom lateralnom kanalu su u znatnom zamahu. Ovom zajedničkom investicijom Općine Bihać i Vlade USK u visini od oko 120.000 KM, konačno nakon više godina, bit će očišćen i produbljen kanal u dužini od 5 kilometara. Benefiti za stanovništvo ne samo da će biti samo u sigurnosti od šteta na poljoprivrednim imanjima, već i kada je u pitanju plavljenje stambenih i pomoćnih objekata, a što je u minulom vremenu donosilo nenadoknadive štete. Tako će mještani Kamenice, Turije, Vrste i Gate konačno moći odahnuti bez obzira na jesen, kiše i povećanje vodostaja.

Da će ovo puno značiti potvrđuje svojim riječima i Hilmija Nukić, mještatin koji se posljednjih godina često susretao sa problemom plavljenja. Po njegovim riječima ova aktivnost nema cijenu koliko će ljudima na ovom području vratiti sigurnost i miran život.

OPĆINE IZ BIH I SRBIJE STVARAJU ZAJEDNIČKU EUROREGIJU

07. oktobar/listopad – (e-Kapija) Osam općina drinskog sliva, krećući se u pravcu EU integracija pokrenulo je inicijativu za osnivanje euroregije Drina.

Inicijativa je pokrenuta prije nekoliko dana na sastanku u Foči, a u njoj sudjeluju općine Foča, Goražde, Bijeljina, Novo Goražde, Bratunac te općine iz Srbije - Bajina Bašta, Loznica i Ljubovija.

Cilj ovakvog povezivanja je nastup na europskim fondovima. Zdravko Krsmanović,



načelnik Općine Foča, kaže da je na sastanku održanom prije nekoliko dana u Foči bilo prisutno 14 općina iz sliva Drine. Na sljedećem sastanku, koji će uskoro biti održan u Bratuncu, bit će sve pripremljeno za formiranje ove euroregije.

Inače, u posljednjih nekoliko godina euroregijama su otvorene nove mogućnosti djelovanja, osobito s obzirom na sve veću važnost europskoga grupiranja za teritorijalnu suradnju. Zbog svega toga broj novo osnovanih euroregija je sve veći. Upućeni ističu da je temeljni cilj euro regionalne suradnje stvaranje područja koje će se skladno razvijati i svojim stanovnicima osigurati blagostanje.

Podsjetimo i to da su euroregije kao administrativno-teritorijalne strukture namijenjene za promicanje prekogranične suradnje između lokalnih ili regionalnih vlasti, te da su one sa vlastitim integriranim strukturama i financijskim resursima u mogućnosti da rješavanju razne prekogranične teme kao što su zdravlje, istraživanja i razvoj, obrazovanje i osposobljavanje, gospodarenje otpadom, zaštitu okoliša, turizam i sl.

KOMUNALNI PROJEKTI VRIJEDNI 3,5 MILIONA KM

LIVNO, 06. oktobar/listopad – Iz budžeta Općine Livno ove godine realizuje se nekoliko projekata komunalne infrastrukture čija je vrijednost veća od 3,5 miliona maraka, potvrdio je načelnik ove općine Luka Čelan.

U toku je uređenje korita rijeke Bistrice koje će koštati oko 2,5 miliona KM, rekonstrukcija glavne gradske ulice vrijedna oko 300.000 maraka i uređenje gradskog parka za koje će biti izdvojeno oko 600.000 KM. Za zamjenu vrata i prozora i postavljanje nove fasade na zgradu Narodnog univerziteta potrebno je oko 135.000 maraka.

On je potvrdio da su svi tenderi i ugovori sa izvođačima radova potpisani nakon provedene procedure u skladu sa Zakonom o javnim nabavkama BiH, što po Zakonu o slobodi pristupa informacijama Federacije BiH, u nadležnim općinskim službama može provjeriti svaki građanin.

Načelnik Općine Livno naglasio je da se svi projekti koje finansira ova općina realizuju u skladu sa zakonskom regulativom i potpuno transparentno, a tako je sa svim projektima koji su realizovani od početka njegovog prvog mandata prije sedam godina i biće do kraja drugog mandata koji ističe za godinu dana.

SKUPŠTINA TK DONIJELA ODLUKU O ZADUŽENJU RADI SUFINANSIRANJA PROJEKTA VODOSNABDIJEVANJA U OPĆINI ČELIĆ



TUZLA, 6. oktobar/listopad – Skupština Tuzlanskog kantona (TK) donijela je odluku o prihvatanju zaduženja radi sufinansiranja projekta izgradnje kanalizacije i vodosnabdijevanja općine Čelić.

Time je Skupština pristala da Kanton vraća dvije trećine kredita, čiji je ukupni iznos 3.111.802,57 eura, i na taj način pomogne Općini Čelić da riješi problem vodosnabdijevanja.

Kanton će ova sredstva vraćati iz namjenskih sredstva prikupljenih na ime vodnih

naknada i sredstva za zaštitu okoline.

Kreditna sredstva Vlade Austrije biće plasirana putem banke, dok će 15 posto ukupnog iznosa, što je gotovo pola miliona eura, Austrija proslijediti kao grant sredstva.

Prema Predugovoru rok otplate kredita je 11,5 godina uz grace period od 1 godine, a kamatna stopa od 0,00%. Da bi sredstva bila na raspolaganju neophodno je da odluku o kreditnom zaduženju donese i Općina Čelić koja će vraćati jednu trećinu kredita.

Za kreditno zaduženje kod druge države neophodno je dobiti i saglasnost parlamenata Federacije i BiH.

Realizacijom ovog projekta u općini Čelić će se dvostruko povećati količina pitke vode, dok će se od zagađenja zaštit vodotoci na ovom području.

PETA KOMPONENTA IPA-e DOSTUPNA OD 2013.



05. oktobar/listopad – BiH će od 1. januara/siječnja 2013. biti na raspolaganju sredstva iz pete komponente IPA fondova namijenjenih ruralnom razvoju. Do sada su zemljama potencijalnim kandidatima za članstvo u EU bila dostupna sredstva samo iz prve dvije komponente IPA-e, a to su prekogranična suradnja i

pomoć u tranziciji i izgradnji institucija.

Novim izmjenama EU je zemljama potencijalnim kandidatima dala mogućnost povlačenja sredstava iz tzv. IPARD-a pete komponente koja je namijenjena za ruralni razvoj.

Naravno, sredstva će se moći povlačiti samo ako zemlja ima izgrađene administrativne strukture za njihovo korištenje što će biti veliki problem za BiH jer to podrazumjeva da do 2013. bude uspostavljeno Upravljačko tijelo i IPARD agencija, obučen kadar koji će raditi na ovome i dr., ali i doneseni novi zakoni, pravilnici i ostale regulative potrebne za ovu oblast.

Problem koji koči da se aktivno krenu u pripremu i već dvije godine blokira ovaj proces je nemogućnost dogovora entiteta oko modela uspostave ove strukture tj. hoće li vođenje i upravljanje IPARD-om biti na entitetskoj razini kako traži RS ili će ono biti na državnoj razini što je prijedlog Federacije, a na kojem su radili i stručnjaci iz projekta "Jačanje kapaciteta za programiranje ruralnog razvoja u BiH (3P-BHRD)" tako da je on usklađen sa onim što je praksa EU.

Rješenje za ove različite pristupe pokušalo se naći na prošlotjednom sastanku u Bruxellesu sa predstavnicima EK-a.

Pejo Janjić, pomoćnik federalnog ministra poljoprivrede, vodoprivrede i šumarstva i jedan od sudionika sastanka kaže da sada čekaju odgovor EK u kojem će biti njihove preporuke po kojima će morati raditi, a koji će, pretpostavlja, sadržavati funkcije koje će moći eventualno biti delegirane na entitete, ali i one koji će morati biti na razini države.

Janjić naglašava da EK ima svoja pravila koja važe za sve države tako da se, ističe, čak i ono što eventualno bude delegirano na entitete može se reći da će biti uvjetno.

Tako da ako netko bude radio, recimo Federaciji na tom projektu, neće moći biti zaposlenik federalnog ministarstva nego mora biti zaposlenik IPARD agencije sa državne razine (koja će morati biti uspostavljena), jer je to navedeno u svim regulativama o zapošljavanju kadrova i u okviru drugih regulativa koji se odnose na ovu oblast. "U tim regulativama stoji da Unija zapravo nema obvezu plaćanja ničega što ne ide preko IPARD agencije. Tako da projekt može biti odličan, ali ako ne bude išao preko IPARD agencije koja je prihvaćena od EU kao osposobljena neće biti njihove participacije u tom projektu", kaže Janjić.

Ono što je bitno je to da se tu radi o fondu preko kojeg bi BiH bilo dostupno nekoliko desetaka milijuna eura bespovratnih sredstava koji bi direktno išli u poljoprivredu.

Hoćemo li ta sredstva za ključnu oblast neke zemlje kao što je poljoprivreda propustiti povući samo zbog toga što predstavnici vlasti ne mogu dogovoriti kompromisno rješenje ostaje da se vidi.

I dok vrijeme ističe ono što je sada evidentno je da dosadašnja iskustva u uspostavi IPARD struktura pokazuju da je za njihovu uspostavu potrebno najmanje tri godine. Sve ovo znači da smo već sada u zaostatku dvije godine, upozorava Janjić, navodeći da sve treba uraditi kako bi se počelo sa konkretnim aktivnostima jer ono što bi trebalo biti bitno je da će poljoprivrednici i u Federaciji, RS- u i Brčko Distriktu zbog svega navedenog godišnje gubiti nekoliko milijuna eura bespovratnih sredstava koje bi mogli ići direktno u njihove poljoprivredne projekte.

"Nažalost, dok se ne složimo, svi zajedno ćemo biti blokirani i nećemo moći koristiti sredstva. Do sada smo imali opciju za korištenje ovih sredstava kada postanemo zemlja kandidat, a sada je to 1.1. 2013. Znači imamo naš dan D od kojeg kreće povlačenje sredstava i sada je sve do nas", naglašava Janjić.

OPĆINSKO VIJEĆE VITEZ PRIHVATILO PLAN UPRAVLJANJA OTPADOM



VITEZ, 4. oktobar/listopad – Općinsko vijeće Vitez prihvatilo je Plan upravljanja otpadom od 2011. do 2016. godine, koji je finansijski podržala Švedska agencija za međunarodnu saradnju (SIDA), a implemtira se u 13 općina u BiH.

Planom je predviđeno da se u narednih pet godina organizovano i selektivno prikupljanje otpada počne provoditi na više od 70 posto općinskog područja, sa posebni uključenjem ruralnih diijelova.

Partner u projektu je Javno preduzeće (JP) "Komunalno", koje će do kraja

oktobra/listopada dobiti 27 novih kontejnera na kojima će se nalaziti oznake za selektivno odlaganje otpada i koji će biti raspoređeni u nekoliko gradskih naselja. Do početka 2012. godine planirana je nabavka dva manja vozila za prikupljanje otpada u udaljenim naseljima.

Građani će kroz javnu kompaniju biti upoznati o značaju selektivnog odlaganja otpada, a jedan od ciljeva projekta je i podizanje stope nalativosti komunalnih usluga.

PROGRAM BEACON SCHEMA – IZVRŠEN ODABIR UŽE LISTE OPĆINA

Na sastanku Savjetodavne komisije Beacon sheme, održanog 14. septembra/rujna 2011. godine u prostorijama Saveza općina i gradova FBiH, pregledane su i prodiskutovane sve pristigle aplikacije općina iz Bosne i Hercegovine za sticanjem Beacon statusa. Članovi komisije su nakon dugotrajnog razmatranja napravili listu općina koje su ušle u uži izbor za sticanje ovog prestižnog statusa.

Teme 6. kruga Beacon sheme za 2011 su: „Kulturno nasljeđe u funkciji razvoja turizma i promociji lokalne zajednice“, „Planiranje i usvajanje budžeta“ i „Ekološki potencijali u funkciji lokalnog razvoja“. Ukupno je zaprimljeno 37 aplikacija.

Na sastanku Sekretarijata Beacon sheme, održanog 26.09.2011. godine, na kojem se raspravljalo o budućim aktivnostima i razvoju Beacon programa, članovi Savjetodavne komisije su dobili zadatak da u mjesecu oktobru/listopadu izvrše verifikacione posjete u izabranim općinama, kako bi se detaljnije informisali o njihovoj dobroj praksi.

Općine, koje su ušle u uži izbor, dobile su zadatak da pripreme kratku prezentaciju svoje dobre prakse sljedeći dosljedno kriterije navedene u Beacon prospektu. Također, općine trebaju potvrditi postojanje i korištenje mehanizama, referentnih dokumenata i praktičnih rezultata i načina na koji će prenijeti svoja iskustva drugim općinama.

Konačan izbor općina, koje su ponijele Beacon status, biti će objavljen na Svečanoj ceremoniji u Brčko Distriktu u mjesecu decembru/prosinac 2011. godine.



Verifikacione posjete će se obaviti u sljedećim terminima:

Općina/Grad	Tema	Datum i vrijeme
Općina Bihać	„Kulturno nasljeđe u funkciji razvoja turizma i promociji lokalne zajednice“	10.10.2011. godine 10:00 - 12:00 sati
Općina Bihać	„Planiranje i usvajanje budžeta“	10.10.2011. godine 12:00 - 14:00 sati
Općina Kostajnica	„Planiranje i usvajanje budžeta“	11.10.2011. godine 09:00 - 11:00 sati
Općina Gradiška	„Planiranje i usvajanje budžeta“	11.10.2011. godine 13:00 - 15:00 sati
Općina Gradiška	„Ekološki potencijali u funkciji lokalnog razvoja“	11.10.2011. godine 09:00 - 11:00 sati
Općina Srbac	„Ekološki potencijali u funkciji lokalnog razvoja“	11.10.2011. godine 12:00 - 14:00 sati
Općina Trnovo (RS)	„Planiranje i usvajanje budžeta“	12.10.2011. godine 10:00 - 12:00 sati

Općina Trnovo (RS)	„Ekološki potencijali u funkciji lokalnog razvoja"	13.10.2011. godine 10:00 - 12:00 sati
Grad Banja Luka	„Ekološki potencijali u funkciji lokalnog razvoja"	17.10.2011. godine 08:30 - 10:30 sati
Općina Šipovo	„Ekološki potencijali u funkciji lokalnog razvoja"	12.10.2011. godine 09:00 - 11:00 sati
Općina Novo Sarajevo	„Planiranje i usvajanje budžeta"	12.10.2011. godine 13:00 - 15:00 sati
Općina Istočno Novo Sarajevo	„Kulturno nasljeđe u funkciji razvoja turizma i promociji lokalne zajednice"	13.10.2011. godine 13:00 - 15:00 sati
Općina Konjic	„Kulturno nasljeđe u funkciji razvoja turizma i promociji lokalne zajednice"	13.10.2011. godine 10:00 - 12:00 sat
Grad Mostar	„Kulturno nasljeđe u funkciji razvoja turizma i promociji lokalne zajednice"	13.10.2011. godine 13:30 - 15:30 sati
Općina Trebinje	„Kulturno nasljeđe u funkciji razvoja turizma i promociji lokalne zajednice"	14.10.2011. godine 09:00 - 11:00 sati
Općina Nevesinje	„Kulturno nasljeđe u funkciji razvoja turizma i promociji lokalne zajednice"	14.10.2011. godine 13:00 - 15:00 sati
Općina Kakanj	„Ekološki potencijali u funkciji lokalnog razvoja"	17.10.2011. godine 12:00 - 14:00 sati
Općina Livno	„Ekološki potencijali u funkciji lokalnog razvoja"	12.10.2011. godine 13:00 - 15:00 sati
Brčko Distrikt	„Kulturno nasljeđe u funkciji razvoja turizma i promociji lokalne zajednice"	18.10.2011. godine 10:00 - 12:00 sati
Općina Bijeljina	„Planiranje i usvajanje budžeta"	18.10.2011. godine 13:00 - 15:00 sati
Općina Trnovo (FBiH)	„Ekološki potencijali u funkciji lokalnog razvoja"	17.10.2011. godine 13:00 - 15:00 sati
Općina Zvornik	„Kulturno nasljeđe u funkciji razvoja turizma i promociji lokalne zajednice"	20.10.2011. godine 11:00 - 13:00 sati
Općina Fojnica	„Kulturno nasljeđe u funkciji razvoja turizma i promociji lokalne zajednice"	21.10.2011. godine 10:00 - 12:00 sati

ODRŽANA KONFERENCIJA NA TEMU „ZADUŽIVANJE JEDINICA LOKALNE SAMOUPRAVE“



U Sarajevu je 29.09.2011. godine održana konferencija na temu „Zaduživanje jedinica lokalne samouprave“ u organizaciji Saveza općina i gradova FBiH i Otvorenog regionalnog fonda za jugoistočnu Evropu ORF GIZ.

Učesnici konferencije imali su priliku čuti izlaganje pomoćnika ministra u Sektoru za upravljanje dugom u Federalnom ministarstvu finansija, gospodina Samira Bakića. Gospodin

Bakić je prisutne upoznao sa trenutnim zakonskim okvirom za zaduživanje jedinica lokalne samouprave, te o procedurama stvaranja vanjskog duga. Prisutni su također upoznati sa planiranom predstojećom izmjenom Zakona o dugu, zaduživanju i garancijama FBiH. Pored ovoga, predstavljani su i rezultati ankete o informiranosti općina i gradova u Federaciji BiH o revolving kreditnoj liniji „Lokalni razvoj“ kod Razvojne banke FBiH. Zaključeno je da jedinice lokalne samouprave u Federaciji BiH nisu u dovoljnoj mjeri bile upoznate sa ovim sredstvima namijenjenim za finansiranje razvojnih projekata lokalnih vlasti i komunalnih preduzeća. Očekuje se da će interesovanje za ovaj fond sredstava porasti nakon održane konferencije. Konferencija je imala za cilj da učesnike upozna sa dobrom praksom Općine Tešanj, koja je kao prva općina u Federaciji BiH izašla na tržište kapitala sa općinskim obveznicama. Gospodin Hamzalija Hojkurić, pomoćnik načelnika za finansije Općine Tešanje prisutnima je predstavio, korak po korak, cijeli proces izdavanja ovih vrjednosnih papira.